

詞

林

摘

艷

正官引

九宮中謂之正者宮者也於氣為
場於行為土於數為五於色為黃
與五音相宜而為之君主故多悃
悃懔懔壯之者鄒子吹律而陽氣
發者多在此與

時

嘉靖乙酉歲中秋前三日蒲東山人
書於巧隱軒中

詞林摘艷

正宮目錄

丰集

墨點柳眉新

一枕夢魂驚

不覩事折鸞凰

荷聖主撫洪基

鴛鴦被半床閑

一班兒扶杜襖衆英賢

享富貴受皇恩

一班兒扶杜襖衆公卿

一聲鶯報上林春

支楞的斷了冰絃

柳輕柔花嬌媚

青藹藹柳陰濃

曉珊珊琪樹蕩靈風

望賓鴻目斷夕陽下

花下燕鶯期

佳節百禎集南北汲沙尾

韓元帥偷營劫寨

金殿鎖鴛鴦南北汲沙尾

想多情傷懷抱

香塵暗翠幃屏

幸西蜀還京兆

小庭幽重門靜

傳將令馬休行

醉墨寫烏絲

新綠池邊

正團圓成孤另

訪知音習酌和

水晶宮鮫綃帳

聖天子統華夷

秋香亭上正歡濃

夜將闌人初靜

釣艇小苔寒波

玉露滴起金飈

柳飛綿花飄穠

美甘甘錦堂歡

詞林摘艷卷之六



辛集

吳江張祿詳校刊行

正宮端正好

美妓

元吳昌齡散套

墨點柳眉新。酒暈桃腮嫩。破春嬌半顆朱唇。海棠顏色紅霞韻。宮額芙蓉印。

袞綉毬

藕絲裳翡翠裙。芭蕉扇竹葉摺。襯湘裙玉鈎三寸露。春葱十指如銀。秋波兩點真春山八字分。顚巍巍霧鬢雲鬟。胭脂頸玉軟香溫。輕拈翠壓花生暈。斜挿犀梳月破雲。悞落風塵。

倘秀才

莫不是嚴春園蘇卿的後身。多應是西廂下鶯鶯的
影神。便有丹青畫不真。粧梳諸樣巧。笑語暗生春。他
有那千般兒可人。

脫布衫

常記的五言詩暗寄回紋。千金夜占斷青春。厮倍奉
嬌香膩粉。喜相逢柳營花陣。

醉太平

這些時春寒綉裯。月暗重門。梨花暮雨近黃昏。把香
衾自溫。金盃不洗心頭悶。青鸞不寄雲邊信。玉容不

見意中人空交人害損。

隨煞

想當日一宵歡會成秦晉。番做了千里關山勞夢魂。
漏永更長燭影昏。柳暗花遮曙色分。酒醞花濃錦帳
新。倚玉偎紅翠被溫。有一日重會菱花鏡裡人。將我
這受過淒涼正了本。

○端正好 自序

元曾瑞卿散套

一枕夢魂驚。千載風雲過。將古今英俊評說。誰才能
誰霸道。誰王佐。只落的高塚麒麟卧。

袞綉毬

時與命道不合。我和他氣不和。皆前定並無差錯。雖
聖賢。冒次包羅。待據六合。要併一禍。其中有萬千人
我。各有箇天時地利人和。氣難吞。吳魏亡了。諸葛道
不行。齊梁喪了。孟軻皆因天數難那。

倘秀才

舉伊尹有湯王倚托。微管仲無桓公不可想。公子如
何不糾合。失時也亡了家國。得意後霸了山河。是君
臣每會合。

脫布衫

時不遇築坂為活。時不遇荆南落魄消磨。時不遇踰

垣而走時不過在陳忍餓

小梁州

男子貧窮如禮何。暴虎憑河。甘貧守分，恁蹉跎顏面。
樂知足一瓢多。

公篇

既功名不入陵煙閣。放踈狂落落魄魄。就着這老瓦
盆浮香糯。直喫的日輪西墮。醒後又如何。

醉太平

看別人揮鞭登殿閣。舉掉泛蒼波。爭如我得磨跎處。
且磨跎。無名疆利鎖。携壺載酒穿林樂。臨風對月閑
吟和。有花有酒且高歌。居村庄快活。

叨叨令

聽樵歌牧唱依腔和。整絲綸獨釣垂釣坐。鋪苔陰展綠章張雲幕。披樵簑帶雨笠和烟卧。兀的不快活杀人也麼歌。三句且潛居甘分隨緣過。

一煞

也不學採薇自潔埋幽壑。也不學舉國獨醒塗汨羅。也不學墨子回車巢由爲歌。却回光返照我。畚甚苦。

張羅 二煞

甕頭白酒新醅潑。盤肉黃虀全醬和。詩里乾坤壺中日月。醉醒由清濁。任我量寬似海。盃吸長鯨酒。泛紅。

波醉鄉不飲待如何。

三煞

忘憂陋巷於咱可樂道窮途奈我何。左抱琴書右携
妻子。無半紙功名。超萬丈風波。看別人爭頭活腦。不
如我雲外蹉跎。咱箇箇甚麼。回首總南柯。

尾聲

既無那把關擊拆名煎聒。且守這養性收心安樂窩。
用之行捨則居。山村遠鼎鑊。黃菊東籬栽數科。野菜
西山鋤幾鍋。聽一笛斜陽下遠坡。看幾縷殘霞蘸碧
波。揀吞臨溪鰲背馭。骨角成形我切蹉。玉石爲瑤自

琢磨唾笑不綸手不搓。養拙榮身自潛超。縱然是非滿乾坤。端的近不的我。

○端正好

詠蘇卿

無名氏

不覩事折鸞凰。軟兀刺个鶯燕。茶缸上暗接了絲鞭。浪花中一葉扁舟遠。望不是芙蓉面。

滾綉毬

想呵俺那無主意的人。恨呵他那有勞力的錢被幾文薄銅錢。將柳青買轉。莫不我只有个寡宿孤眠。這其間過金山古寺前。到潯陽江岸邊。把九品江水茶。嗜遍。他幾曾慣掃雪烹煎。他安排着渲肚腸。鳳髓酌。

敢與我准備着調琴瑟。驚膠續斷絃。再相見甚日何年。

倘秀才

書寫下情詞數聯。更序着寒溫半篇。揀一張整整齊齊錦色箋。將心事付婢娟。百般的無一箇順便。

滾绣球

往常時玉樓前巢翡翠。綉衾中交頸鴛鴦。也曾遂少年心愿。翠紅鄉有俺十全。他則會風月情花柳筵。幾曾經這般水面。俺倍了茶引三千。把一箇麗春園生扭做相思海。金斗郡翻為離恨天。就里難言。

倘秀才

再不見嬌滴滴人如玉仙。星慙慙髮邊翠鈿。再不見
菖花扇影偏。我往常樽席上。小樓前。將吹彈敷演。

呆骨朶即靈壽杖

梨花零落深沉院。冷清清閑煞鞦韆。誰想他信香音
乖。我緣薄分淺。倒城計虔婆騙。誰與這無勢力的人
方便。他管甚有情的有情。問甚麼介元不介元。

尾聲

新愁不共芭蕉展。舊恨難將柳絮穿。曾記臨行甚語言。
恩愛番成生死冤。赤緊的冤家緊厮纏。有一日宴罷瓊林做
狀元。除得臨川作府縣。那時節蘇婆上方知姓名顯。

端正好

荷聖主撫洪基登賢俊安黎庶仁恩布無間華夷典
章法度皆修舉因此上感神祇來嘉瑞

鴈過聲

由來是祖考積累常思想開基創業神功聖德同天
地布恩威撫黔黎四十年天下雍熙吾皇今繼體須
知道是立綱陳紀誠非易守法度慎終如慎始

滾繡球

鑒前代事可稽載簡冊靡有遺堯放勳舜重華後
先承繼夏禹帝勤儉無違孝神明非飲食却儀狄絕

酒醴。治水土安生。民有功萬世。商成湯德日新。昭假
遲遲。克寬仁祝網。覃恩德。責其事。甘霖應禱。祈物阜
民熙。傾盃序。

周世自太王始。治岐有聖德。文王繼。更牧野陳師。鉅
橋發粟。鹿臺散財。武王承志。論成康。嗣統好賢樂善。
守成無替。致雍熙泰和八百載。應昌期。

脫布衫

漢高祖天與人歸。漢文景蹈矩循規。刑幾措。黎民共仰。
廣仁恩。四方漸被。

小桃紅

太宗唐賢主功業尤宣著屈已求言行仁義當時賢
相稱房魏曾將守成創業評難易惟有魏徵言儆戒
無虞芙蓉花

想前王德化美願明主常留意承先志總覽綱維咨
啓沃輸忠義調和的昇鼎益梅休息了修兵備屯將
士撫鎮邊陲文武皆榮貴

別銀燈

尊郊廟嚴其事祀待宗室均其恩禮蠻貊戎夷要撫
綏厚風俗恤養惇族輕租稅寬力役民皆便利謹法
律休輕易

伴讀書

念皇天鑒君德。戒盈滿。勤操執。遊畋荒淫。常須制。但
兢兢業業存欽畏。時想着晉天宰。土思康濟。更盱食
宵衣。四邊靜。

萬方歡悅。天心慰。乾坤藹和氣。海嶽效禎祥。神龜
薦蕃祉。黃河又清。騶虞又至。隆古治平時。難比我聖
明世。尾

騰蒿祝遍九闌。但願吾皇萬萬歲。聖子神孫福壽
齊。

○端正好

集雜劇名

孫季昌

鴛鴦被半床閑。蝴蝶夢孤幃靜。帶則是哭香囊雨淚
盈盈。若是這姻緣薄。世合該定。有一日雙駕車香肩
並。

滾繡球

常記的曲江池。麗日晴。正對着春風細柳營。初相逢
在麗春園遣興。便和他謁漿的崔護。留情曾和他在
萬花堂講志誠。錦香亭設誓盟。誰承望塢頭半星
兒不應。央及枝調風月燕燕鶯鶯。則被這西廂待月
張君瑞送了這花月東牆董秀英。盼殺君卿。

倘秀才

龍江樓山圍着畫屏。見一隻採蓮舟斜灣在蓼汀。待

和他紅蕖傳情訴自悶。紫並頭蓮。今做兩箇鴛鴦會。
不完成。知他是怎生。

滾繡球

甫能的瀟湘夜雨晴。早閃出烏林皓月明。正孤鴈漢
宮秋靜。知他是甚懷月夜聞箏。那時節理殘粧玉鏡。
莖燒香到拜月亭。則被這傷梅香緊將咱隨定。不能
勾寫相思紅蕖題情。指望侶多情。雙漸怜蘇小。到
做了薄倖王魁。負枉英撒的米冷冷清清。

倘秀才

金鳳釵斜簪在鬢影。抱粧盒寒侵倦。整想踏雪尋梅。

路怎行。弄黃昏梅梢月香正。滿酷寒亭。傷情對景。

叨叨令

當初箇破連還毀。賺成了交頸。誰承望錯立身的子。
弟無音信。閃的我侶離魂倩女。想思病將一箇魔合。
羅臉兒消磨盡。做不着也波哥。如今這謊郎均一箇。
箇傳槽病。

脫布衫

我便侶藍橋下實志書生。他便侶竹林寺有影無形。
受寂寞侶越娘背燈恨。別離如樂昌分鏡。

小梁州

他便作柳毅傳書住洞庭千里獨行吹簫伴侶冷清
清我待學孟姜女般真誠性我則怕啼哭倒了長城
京娘愁怨成孤另怨你箇畫眉的張敞難情揣着竊
玉心偷香性我則學齊眉舉案賢孝牌上立箇清名

尾聲

金釵剪燭人初靜綵扇題詩句未成後庭花歌殘玉
樹聲琵琶怨淒涼不忍聽比題橋的相如忒寡情戲
妻的秋胡不志誠想則想關山遠路恨則恨衣錦還鄉
不見影則不如一紙劉公書謹緘定寄與箇三負
心的敲才自思省

○端正好

机贊

無名氏散套

一班兒扶杜榘衆英賢。皆因是際龍虎風雲會。一箇箇秉赤心燮理。塩梅撫安的萬邦。稽首來朝。禮慶豐稔。昇平世。

滾绣球

掌銓衡冢宰公。司邦賦民部直。大宗伯禮儀純備典。典兵戎大司馬耀武揚威明五刑。理冤愆司寇權總百工。督營繕寵父職。居內閣調鼎。共泰機密。能諫爭掌六科補缺。拾遺坐都堂。繩愆糾繆。司綱憲處輸死論道。經邦講治。理輔吾皇。端拱無爲。

倘秀才

為師民教胥子純乎至德脩國史垂褒貶祥平事體
端的是禮樂脩明教化美一箇勝蕭曹扶社稷過房
杜撫華夷不枉了與皇家作柱石

脫布衫

一箇箇賢良似稷契皋夔忠誠似傅呂周伊文學比
班揚賈馬公直勝宋姚王魏

小梁州

家給人足國富實天下雍熙萬民樂業仰
皇威邈塞上絕了烽燧懸酒旆捲征旗
公篇

丹書鐵券簪纓貴。享榮華御酒堂食。見如今四海知
三公位。幸遇着昇平時世。普天下永無敵。

○端正好

上太師

皇明丘汝成散套

享富貴受

皇恩。陳綱紀。明天道。貫宵襟。虎略龍韜。威儀楚楚。全
忠孝。文共武。皆奇妙。

滾綉球

擺旌旗霞彩飄。列干戈日月高。驟璫瓊馬啣着金絡。
撼玲瓏玉掛絨。絛擁高衙大纛堆。坐重相列。拆豪霸。
畫堂瑞烟籠罩。撲湘簾花霧飄飄。金爐火暖龍涎噴。

銀燭光輝絳蠟燒歲月逍遙。

倘秀才

朝鳳開朱衣紫袍。陞虎帳貂裘綉襖。瞻仰龍樓爵祿。高鞦飴飴。趨黃道。雄糾糾侍清朝。近鑾輿玉藻。

呆骨朵

丹書鐵券金花詔。撫華夷四海名標。旌旗影款動龍蛇。金鼓響驚飛燕雀。出落着威武非熊兆。調鼎鼎理陰陽。居廊廟普天下賀太平壽域開。宰臣每整乾坤安定了。

貨郎兒

開大宴齊臻臻華筵前歡樂。香馥馥珍饈美餚有。

交梨火棗有蟠桃。鯢鱗脯烹魚尾。燒熊掌煎羊羔。

醉太平

有龍笛鳳簫。聞鼙鼓檀槽。擺列着清歌妙舞。出妖嬈。唱黃鍾六么。萬民豐足皆歡樂。八方寧靜開懷抱。四時康泰盡和調。

貨郎兒

文修武備日轉迂。階穩拍拍的輔佐邊庭。把這風塵靜掃。

尾聲

普天率土歸王道。萬國尊依賀聖朝。君德成勝禹

舜堯臣宰賢良過管樂則將那天下奸邪盡平勦。

○端正好

漢臣羅劇

一班兒扶社稷衆公卿隨聖主天差降。一箇箇笑吟吟志氣昂。與皇家出氣力忠良將。堪寫在凌煙上。滾繡毬

是男兒顯紀綱。掃蠻夷定四方。不枉了着俺這故鄉人仰望。俺在那長亭畔等不到半刻時光。見紛紛塵土生。聽珊珊環珮響。並馬兒盡都是聖朝的御相。諕的俺在農每無處潛藏。馬頭前銀盆水罐成行擺。更和這狼虎公人列兩行。一箇箇壯貌堂堂。

倘秀才

父老每急荒忙下拜在路傍。大人每被各將謙辭禮。謂數十載今朝還故鄉。將小童每審箇端的。年邁的問箇行藏。這的是大人每大量。

滾繡毬

自從俺隨聖主離故鄉。西除東蕩掃蠻夷。普定邊疆。立萬邦。定四方。進忠心。旦夕無恙。仗才能立國安邦。當為白玉擎天柱。堪作黃金駕海梁。扶持着萬萬歲君王。

脫布衫

明 聖主仁倣三皇明 聖主德似陶唐明
聖主千邦讚禮明 聖主萬民仰望。

小梁州

百姓每虔心一炷香。一齊的拜謝吾

皇。謝吾皇垂拱整朝綱。今日箇昇平相著俺這黎庶每
得安康。願 神孫聖子常興旺。願金枝玉葉榮昌。願
吾皇聖體安。保護的山河壯。普天下軍民仰望賀
萬壽永無疆。

尾聲

風宜時雨按節賀吾

皇有感天垂像國無征家無虞法正官清感
上蒼掃蠻夷定四方威伏的萬國降萬萬載當今
帝業昌則將這錦繡也伴江山社稷掌。

○端正好

早朝

皇恩敬

一聲鶯報上林春五更雞唱扶桑曉賀三陽萬國來
朝踐天街車馬知多少端的便塞滿東華道。

滾繡毬

赤羽旗疎刺刺風尚高丹墀陛濕浸浸雪未消金鑾
殿淡氤氲瑞烟繚繞玉獅爐香馥馥蘭麝射風飄銀酥
蟬明鑲鑲金蓮護絳綃綵鑾扇微影影青鸞素羣翠

翹。擢。綸。錦。軟。茸。茸。平。鋪。着。寶。街。複。道。珊。瑚。鈎。滴。溜。溜。
高。簾。起。繡。幙。珠。箔。九。龍。車。霞。光。閃。閃。明。芝。蓋。五。鳳。樓。
日。色。瞳。瞳。映。赭。袍。隱。隱。鳴。鞘。

倘秀才

鷓鴣班文僚。武僚熊虎隊。龍韜豹韜。八府三司共六曹。象
牙牌犀角帶。龜背鎧。鴈翎刀。有丹青怎描。

脫布衫

椒花頌萬代歌。謠柏葉盃九醞葡萄。因陳簇雕盤翠
縷金花插玳筵宮帽。

小梁州

一派仙音奏九韶。端的是錦瑟寫簫。紅牙象板紫檀槽。中和調。天上樂逍遙。池青鳥傳音耗。說神仙飛下丹霄。一箇箇跨紫鸞。一箇箇騎黃鶴。齊歌齊笑共王母宴蟠桃。

○端正好

玉妙英秦少游

鯉甫

支楞的斷了冰絃。玳瑁分開鸞鏡。撲簌的井墜了銀瓶。滴溜的半窓殘月。梧桐影。又感起我心頭病。滾繡毬。

這夢時愁沒亂心不寧。睡不安。夢自驚。乍離別怎捱這淒涼光景。想多才必定飄零。雖然他。不忘誠。難道他。

無定准。他可也。既無情。呵。可怎生頻稍書。把咱欵敬。
既有情。呵。可怎生過三秋不見回程。這般時懨懨瘦損。
添愁悶。他那里緊緊的相纏。割不斷情魚鴈無憑。

倘秀才

每夜家愁悶。到三更四更。長嘆道。有千聲萬聲。但這
般枕冷衾寒。夢不成。一箇冷落。在臨川縣。一箇寂寞。
在豫章城。兩下里都一般病症。

滾繡毬

偎着呵。咱便溫。撇着呵。咱便冷。俺兩箇同死生。一言
為定。休學那不堅牢紙做的湯瓶。害相思如病酒看。

看的脫了形。執迷着徒郎君。飄零水性。兩般兒勞意。
勞形。因他舊恨添新恨。待道無情。却有情。忘不了海
誓山盟。倘秀才

怕的是更長漏永。愁的是衾寒枕恨。的是羅帶同心
結未成。題心事。訴離情。把文房強整。

滾繡毬

染霜毫。麝墨濃。潤端溪。秋水澄。把花箋巧疊成。方勝。
紙和筆。包藏着兩字。閑情。展開這紙來。呵。好着我目
邊點水言難盡。拈起筆來。呵。好交我門里挑心。寫不
成。則將這班管來高擎。

賽鴻秋

行時思坐時想。閑時論。怕人知。嗔人說。嫌人問。往常我圖他些甜愛。他些俏貪。他些俊。因此上耽着驚。忍着怕。懷揣着悶。風流人可憎。可意堪人敬。雖然是口兒強。身子掣心兒里順。

脫布衫

這簫他吹起來。閑悶閑榮。引的人無緒無情。再誰敢道。凭欄倚樓。再誰敢道。放懷遣興。

小梁州

這簫他引鳳勾鸞。感起舊情。又不比月夜聞箏。則俺這

離人哀怨不堪听。吹的是陽關令。吹徹斷腸聲。雲籠皓月如懸鏡。上紗窓。照咱離情。愁的是皎潔蟾。感起心頭病。照的人影孤另。因此上嫌殺月兒明。

○端正好

春遊

無名氏

柳輕柔花嬌媚。春雲淡日色輝輝。曉來枝上鶯聲細。似喚起遊春意。

滾繡毬

柳陰中驕馬嘶。花陰外好鳥啼。看蜂蝶採花成對巧。丹青粧點屏圍。這壁廂令鼓催。那壁廂妙舞宜採花。枝玉纖相遞。戲鞦韆。畫板沾泥。高張翠蓋。嬌紅粉。慣

芝青駢俊綠衣堪賞堪題。

倘秀才

牡丹亭嬌容膩體。芍藥圃濃香艷蕊。玉蘂山茶間紫
薇。素珍珠明含笑。紅錦被映酴醾。海棠花似烟霞照
水。

脫布衫

一處處仕女遊嬉。一攢攢醉客樽壘。一簇簇笙歌韻
美。一步步管絃聲沸。

小梁州

沽酒樓前人聚集。掩映踈籬。桃花似錦柳依依。蒸和
氣。賽閬苑勝瑤池。

么

江南自古繁華地。勝追遊。儘醉方歸。波動處。綠鴨浮沙。煖處紅鴛。睡風流。佳致。省可里杜鵑啼。

尾聲

遊春不覺金烏墜。乘興還隨玉兔回。倒玉頰。山醉似泥。相賞休違。莫負芳菲。看了這萬紫千紅。端的是畫圖裏。

○端正好

月下老雜劇

皇明劉奎

青藹藹。柳陰濃。輕拂拂。荷香蕩。小紅亭。嫩綠池塘水。晶簾動。波紋漾。高捲在金鉤上。

滾繡毬

翠雲亭青鎖窓紫藤蓆白象床罩湘裯碧紗鴛帳夢
初回浴罷蘭湯我這里出繡房過畫堂扇羅輕晚風
清爽汗珠消玉骨生涼將松濤細煮團龍茗花霧濃
熏睡鴨香別是箇風光

倘秀才

蟬髻軀斜簪鳳凰粉臉淡重勻海棠翠點眉心半額
黃縷金香串餅雲錦藕絲裳添了些晚粧

滾繡毬

步盈盈羅襪涼動珊珊環珮響翠陰中倚欄凝望浸
樓臺雲影天光小壺天風月場萬花叢鴛鴦彩霞

收綠雲。搖漾顫巍巍。羽蓋雲幢。蕊珠宮裏神仙墜。纖
錦機頭窈窕娘。淡抹濃粧。

倘秀才

綠槐陰深深。院墻金井畔。低低小房。葵夢傾心向日
光。萱開黃鵲嘴。榴簇絳紗囊。正紅稠綠穰。

賽鵝秋

露滋花花含露。珍珠輕綴霞綃上。絮沾苔苔鋪絮粉。
錦碎剪絨毡上。柳藏鶯鶯穿柳。綠絲亂拂金梭上。藻
驚魚魚驚藻。錦鱗雙捧銀盤上。白露下碧波。雪片飛
江上。竹吟風風篩竹。玉簫聲斷青鸞上。

脫布衫

白蓮藕味美甘霜。銀絲膾細縷新姜。玉碗調冰壺蔗漿。荷筒貯碧香春釀。

小梁州

玳瑁筵前春晝長。錦片也似排場。鳳簫鼉鼓間笙簧。瑤箏上。玉柱鴈成行。雪兒對舞雲娥唱。按梨園一派宮商。醉眼狂歡情暢。餘音嘹唳齊和採蓮腔。

醉太平

倚雕欄。艷粧拂兩袖天香。猛然驚散錦鴛鴦。俊嬌娃盪漿。清波小小蘭舟漾。空蒼隱隱銀蟾晃。夕陽紗

綽綽雲長。貨郎兒尾。

扭結丁香。扣鎖鴛鴦。端的是占斷了風流窈窕娘。

○端正好

宮詞

元鄭德輝

曉珊珊琪樹蕩靈風。晚濛濛輦道迷香霧。花撲撲錦
乾坤望眼模糊。曲盤盤五城十二樓前步。遠騰騰似
入蓬萊路。

滾繡毬

紅冉冉綠依依花籠陰映玉除。清淺淺響戢戢水泚
香出翠渠。明朗朗墨浸浸八龍篆太霞深處寬綽綽
靜攬攬遠雕闌依翠檻展轉盤紆。滑擦擦細舞舞布

金沙雲堦玳瑁玳瑁輕颼颼琅琅隔琳窓霞綃響珮
琚薄設設淨勻勻蒙畫欄護銀屏水涵雲母齊臻臻
滴溜溜掛珠箔捲繡簾鈎搭珊瑚香靄靄煖溶溶玉
樹縹緲迷青瑣氣森森光閃閃金屋稜層絢碧虛真
乃是人間天上全殊。

倘秀才

蕭爽似瀛海東扶桑與區廓落似閬苑西蟠桃聖圃。
一片天光浸玉壺。閭門珠牕歎復道錦甃甃上青華
洞府。脫布衫。

丹青繪絳闕清都奎星燦寶檢靈書龍虎衛飛天象。

符風霆護太玄瓊籙

醉太平

以琴書自娛與道德為徒孔情周思乃蓄金擺列着
牙籤玉軸上青冥借嫦娥八竅月中兔採神芝倩蘇
姑七寶山前鹿訪丹丘賃張公千歲杖頭驢樂逍遙
介福尾聲

近此軒竹搖烟毵毵鳳展冲霄羽對南樓松掛月矯
矯龍岬照乘珠綽約仙君蒞廣居玄默無為道味腴
一寸心存太古物萬里神遊廣漢墟寧綠飛瓊時寄
語赤鯉青鸞頻報覆報覆道滄海碧雲拱望舒佳時

節鶴馭雲輶降王母。

○南北一剪梅

引子四季

元李吉

芳草長亭露帶沙。遊子來家。翠消紅減。亂如麻。隔
粧臺。慵梳掠。掩菱花。

賽紅秋

我這里望賓鴻。目斷夕陽下。眇情人。獨立在簾兒下。
夜香燒。禱告在花陰下。喜蛛兒。空掛在紗窓下。風兒
漸漸吹。雨兒看。下。我這里受淒涼。獨坐在孤燈下。

汲沙尾

雲雨阻巫峽。傷情斷腸人。在天涯。錦字無憑。虛度在

弄韶華。嗟呀。春晝永。朱扉半掩。東風靜。湘簾低掛。黛
眉懶畫。顰宮容。鬢邊斜插小桃花。

脫布衫北

我這里冷冷清清。無語嗟呀。急煎煎。情緒交雜。瘦伶仃。
寬褪了絳裙。病懨懨。淚濕羅帕。

漁家傲南

燕將鵲。逢初夏。夢斷華胥。風弄簷馬。空閑了。刺繡窓。
紗香消寶鴨。那人在何處。貪歡耍。空辜負。沉李浮
瓜。寂寞厭池塘。開蛙。庭院裏。晝長偏。冷我。夜涼枕簟。
不見他。多嬌娃。風流俊雅。倚欄杆。猛思容。貌勝荷花。

小梁州北

這般時雲鬢鬆松減了俊雅。玉肌削脂粉慵搽。上危樓。盼望的我眼睛花。空恁山如畫。不由人情思在天涯。

普天樂南

景淒涼。人消洒。何日把雙鸞跨。奈薄情不寄鸞箋。相思句盡訴與琵琶。彈粉泪濕香羅帕。暗數歸期。將這春纖揊動離情。征鴈呀呀。無奈。心事轉加。對西風病容消瘦。似黃花。

小梁州北

短命敲才孤負了咱。恨不的梦里尋他。他那里假紅

倚翠笑歡洽。我這情牽掛。不由人離恨。淚如麻。

剔銀燈南

漸迤邐。寒侵綉幃。早傾刻。雪迷了。死瓦。自恨今生分。
緣寡。紅爐畔。共誰人。閑話。咭題。能托香腮。悶加膽。瓶
中懶添溫水。浸梅花。

伴讀書北

我我我。起初時。且是敬他。他他他。間深也。和咱罷。我
我我。離恨有天來大。他他他。不足誇。我我我自詳察。
淚如麻。自嗟呀。他無半點兒。真實話。

尾聲南

重相見兩意佳。慶喜傳盃弄筆。氣命兒看成勝侶花。

○端正好

題情

皇明真夫

花下燕鶯期。春日死央會。翠紅卿端的堪宜。配鸞鳳。若得成連理。今日稱了平生意。

滾綉毬

俊龐兒淺淡粧。身穿着縞素衣。顫魏巧盤着雲髻。描不成玉体香肌。櫻桃一點唇。春山八字眉。酒席間一團兒和氣。喜孜孜滿捧金盃。輕彈錦瑟歌聲。細謾撥銀箏。金縷低。怎能勾步兒相隨。

倘秀才

冰上人知他在那里。月下老不知所以。因此上姻媒
簿不將咱名姓題。無心觀經史。意懶看文籍。這凄涼
自知。脫布衫。
意痴々染病耽疾。悶懨々廢寢忘食。愁冗々情牽恨
惹急。穰々但痴如醉。

醉太平

想輕怜痛惜。但畫餅充飢。空勞鶯燕問花媒。想離愁
自知。青鸞不把家書寄。賓鴻不至無消息。錦鱗不到
信音希。要相逢除非是夢里。

尾聲

楚陽臺朝雲暮雨無踪跡。桃源洞水遠山長去路迷。
祆廟火騰騰。烈焰飛藍橋水澄澄。雪浪堆西廂下鶯
鶯少了見識。臨川縣蘇卿等了半世。有一日江景凄風
雨霏。怨。悲。哭。啼。直赶到金山恁時節悔。

○汲沙尾

南

祝讚

無名氏

佳節百禎集。瑤光明映虹蜺。萬國來朝祝賀。
聖壽天齊。雍熙寰宇內均陶和氣。金殿上雲霞呈瑞。
贊。呼。萬。歲。引。朝。儀。佩。聲。趨。擁。拜。彤。墀。

脫布衫帶小梁州

北

玉殿上青鸞舞綵鳳翩飛。金鞍重寶馬驕嘶。象輅駕
風生繡旗。則見翠花影九重龍環位。稽首對揚祝願
吾皇福壽齊。大一統乾坤萬載洪基。正遇着
聖恩寬厚撫黔黎。普際遇風雲會。遙見麗絳霄星
輝。華渚慶虹流果熟三千歲。咸祝願
聖明君萬壽天齊。嘉祥總獻呈。又百福皆來備。宰相
逢昇平盛世普天下賀雍熙。

漁家傲

南

際明時風雲會四海車書盡同文軌。梯山航海走戎夷。
聞風慕義輸誠來効著。臣禮齊歡慶天壽佳期。擺列

看充庭盛儀。南金大貝。千珍簇白象。黃犀八寶。羈多
華麗。陳詞拜跪。願吾皇福壽與天齊。

醉太平

星辰拱太微。瑞氣霽彤闈。天心悅鑒衆仙集。獻蟠桃
味美。輕々吹動雲和笛。徐々舞轉鸞鶴對。雙々齊
進紫霞盃。萬萬歲尊臨萬國。

普天樂

南

彩雲間。丹霞裏。金殿上香騰瑞雉。扇開遙覩龍顏。鴻
恩布。慕仰皇威。陳御宴。列珍饈。味萬國衣冠慶歡會。
撫蠻夷。辯髮雕題。班造。鸞鷟羽儀際。明時普天率土。

仰光輝。

伴讀書北

統乾坤萬里。總納在春風內。南北東西皆漸被。徧
林、總、歸仁義。只見那終宵行旅門無閉。輦社稷
鴻基綿。

皇圖萬萬年。開宇宙千、世。碧天長同迢遞。丹書覽
金鑒披。示嘉猷。表民彝。酌流霞。獻瓊盃。慶福祿如川
至。尾聲。

溥風被徧四陲。共樂昇平明盛世。祝願吾皇萬壽齊。

○九轉貨郎兒

貨郎担雜劇

無名氏

也不唱韓元帥偷營劫寨漢司馬陳言獻策也不唱
巫娥雲雨楚陽臺也不唱梁山伯也不唱祝英臺則
唱那娶小婦的長安李秀才。

貨郎兒

李秀才不離了花街柳陌占場兒貪盃好色看上他
柳眉星眼杏桃腮對面兒相挑泛背地里暗窺劃。

笑和尚

背着他那渾家着媒人往來諸餘里炒拍將花紅布
擺可又早把一箇烟花娶過來。

貨郎兒

我則見齊臻臻的珠樓高厦碧簷青簷暗瓦。

掛玉鈎

途路嶺常存四季花。銅駝陌王孫開奢華。公子仕女乘車馬。綉簾高掛都是那。王侯宰相家。

貨郎兒

那婆娘古剌剌的挑茶幹刺百枝。的花兒葉兒望空里揣與他箇罪名兒。

山坡羊

閑行公事。挑三幹四。大渾家吐不的嚙不下心頭刺。減了容姿瘦了腰肢。病厭厭睡損了裙兒。扶策扶

起剛動止。他冷了四肢。將一箇賢會的渾家生氣死。
貨郎兒

火逼的花稍上。鴉飛鵲散。更那堪更深夜闌。恰便似
火焰山天賜到長安。

迎仙客

燒地戶。燎天關。便似那摘星樓。降來到凡世間。萬戶
燒窯。老君煉丹。似介子。推在綿山。恰便似子房燒了
連雲棧。

紅綉鞋

恰便似赤壁鏖兵風範。布牛陣舉火田丹。便似火龍
烟戰錦闌班。將那房簷燎脊。一條來板。急救着。可又早

連累了官房五六間。

貨郎兒

我則見昏慘一的天涯雲布更那堪滴一點一消湘
夜雨一是那窄一狹一溝一塹一路崎嶇黑一黯一陰
雲霧那淒一楚一水面糊糝撲簌一濕淥一陰雲開
霎我則見霍一閃一電光星注。

上小樓

怎禁那颼一摔一風霖一淥一雨高一下一凹一凸
凹斷一續一骨一魯一出一律一疎林人物我則見
昏一慘一瀟湘水墨圖。

貨郎兒

河岸上和誰說話。向前去親身問他。詐言道。奸夫是船家。殿前歡。

猛見將長者。喉嚨掐。磕塔的揪住頭髮。我是婆娘家。怎救披。也是他。合仁化撲的命。掩在黃泉下。將李春郎的父親。則向那番滾上的波心中。水裏救。

貨郎兒

他據一品風流人物。打扮的諸餘里俏簇。

快活年

綉雲肩。曾背是鴈脚。蘆花。他繫着條兔鶻。上海犀皮。

川山玉連珠。是那無瑕的荆山玉。那行呼也末哥。整
身軀也末哥。打着髻長頭後走。大飛鷹架着鴟鵂。他
獵圍場過去。扯着轡盤旋。驟着龍駒端的疾似那
流星注。那風流也末哥。恰渾如也末哥。恰渾如和番
的昭君出塞圖。貨郎兒

我則見開上穰上。無顏無倒更。那堪并上悄上。何日
是了。畫簷間鉄馬兒被風敲。受過的凄涼苦愁和悶
怎生熬。堯民歌

我愁的是雨星兒浙零上。窓滴上。點上碧上薄上。洒
芭蕉。又見靈鵲兒赤綠上。踪赤溜出律一來一往一上。

一下轉過花梢則見那梧樨兒滴溜上飄搖紛上揚
揚落在簷梢則我這泪點兒撲簌上湮濕浸淋上淥
淥搵濕鮫綃今宵今宵睡不着難熬這場凄涼苦則被
幾聲長吁捱到曉

貨郎兒

我便寫與他生時年紀不曾道差遲了半米未落筆花
箋上泪珠垂脫布衫

長吁氣可軟了毛錐悽惶泪滴滿了端溪十三年不
知箇信息相別是恰纔七歲

醉太平

他如今二十。恰便似大海內沉石。俺在那洛河岸上。各分離。知他在江南塞北。俺孩兒耳垂福相。過肩墜。胸前一點硃砂記。長安鋪席省衙西。俺孩兒小名喚做春郎。身姓李。

○汲沙尾

南

四景

無名氏

金殿鎖死央。何時重會情娘。間阻佳期。咫尺霧迷雲障。思量常想。那尊前席上。多半韻容貌非常。風流艷粧。自古道淑女堪配才郎。

脫布衫

帶過小梁州

歌白雪餘韻。悠揚紅牙。撒盡按宮商。品玉簫鸞鳴鳳。

叶舞霓裳翠盤宮樣鮮。伴知音。所事強端的。是世上無
双。冰絃慢撥。趁奇腔聲嘹亮。噴麝蘭香。輕清韻美。
低^上唱。啓珠唇皓齒如霜。第一套縞素衣。盡都是依
宮樣。又不是悲秋宋玉。可着我想像賦高唐。

漁家傲南

到春來。和風蕩。噴火夭桃正宜玩賞。閒遊戲。拾翠尋
芳。正春光艷。陽暉柔乳燕呢喃。兩遊蜂。趁蝶舞飛揚。
正清和氣爽。踏青載酒吟詩賦。閑草葢。闌雲錦鄉添
情況。滿斟着玉觴。遇韶華。休負好時光。

醉太平北

喜炎天晝長。避暑納新涼。浮瓜沉李，飲鹽漿，听蟬鳴。
綠楊榴花噴火，爭開放。葵花向日，玻璃漾荷花，雲錦
滿池塘。直吃的樂陶陶，入醉鄉。

普天樂南

競中秋。明月朗，登高在樓臺上。東籬下菊蕊含金，正
消磨暑氣秋光。捧玉觴，葡萄酒，友詩朋齊歌唱。玉
山頽，沉醉何妨。朱扉綠窓，任風吹落帽，龍山賞重陽。

伴讀書北

布彤雲迷四方。朔風凜，毡簾放暖閣。圍爐頻灑湯。
正歌樓酒力添歡暢。我則見多嬌語笑尊席上，引的

人腹熱腸狂。

笑和尚

我將慢徐上語話講成就了風流況共寢在綃金帳。
訴裏情到耳傍。盡今生永成双。選良時配鴛凰。捧瑤觴。
賽神羊。將往事苦都撇漾。

餘音南

姻緣事非計量。盡老團圓壽命長。辦炷明香拜上蒼。

○塞鴻秋

題情

皇朝賜

一會家想多情。越交我傷懷抱記。當時向名園遊賞。
同歡樂端的。他語言和容貌。美心聰俏。天生的來知。

音解呂明宮調課賦與吟詩善經史通三教你看他
彈絃品竹般上妙。

普天樂

記當時同歡笑携手向花間道賞心時同飲香醪
青處共尋芳草見遊蜂粉蝶都來遶兩點春山蛾眉
掃舞裙低楊柳纖腰髻雲堆金鳳斜挑俊琵琶細撥
檀板輕敲。

脫布衫

帶過小梁州

琵琶撥檀板輕敲錦箏擗拍法偏高撫水絃分輕清
重濁和新詞美音奇巧你看他體態輕盈舞細腰端

的是丰韻妖嬈過雲聲美透青霄端的是多奇妙真箇是芙蓉面海棠嬌你看他金蓮款步蒼苔道髻雲堆金鳳斜挑常言道風流的遇着俊英浪子的逢着俏倬更有那馮魁黃肇便有那千金買也難消

鴈過聲

多嬌丹青怎描更天然花容小巧風流的不似他容貌有萬般嬌有萬般標更萬般丰韻千種妖嬈歌聲縹緲盡堂試听盡梁塵繞只交那行雲飛過盡關橋

醉太平

一會家被春光相惱越着我輾轉的添憔悴你看他往

來雙燕共泥巢。沙暖處。化央並。在池沼。你看那蜂蝶。使穿花開。不覺的。微上細雨。將紗窓。悄更那堪。和風漸上。將竹枝。敲這淒涼。何時節。是了。

傾盃序

連宵雨暗。飄水漸高。一向無消耗。舊約難期。舊情難捨。舊愁重集。雲水迢上。房櫳靜悄。水沉烟冷。寶鴨香消。只交人逢花。遇酒興無聊。

貨郎兒

這些時相思病。有誰人將我醫療。郎漸里把身軀瘦了。將我這朱顏綠髮。看上的盡枯焦。廢了經史。弃了。

霜毫每日家悶懨懨上如痴似醉魂暗消額似錐刺心
如刀攪無語寂寥遇不着醫鬼病靈丹藥

么篇

燄騰上烈火焚燒了天廟白茫上浪濤天水渰了藍
橋霧濛上桃源洞阻隔的來路迢迢賈冲宅添人逃
捕崔相府閉的堅牢最苦是將他那楚館和這陽臺
崩壞倒小桃紅

等閑間韶華老辜負了春多少則听的鉄馬簷間
嚮玎璫將人惱音書欲寄無青鳥心腸朝夕傷懷抱
幾時能勾再整鸞膠

伴讀書

這愁煩我命所招。辦誠心把蒼天告。則願的馬上墻頭共一處同歡樂。有一日夫妻美滿身榮耀。常言道青霄有路須到。纔稱了心苗。

笑和尚

再將楚陽臺砌壘的牢。重蓋一座祿神廟。磚甃了挑源道。賈冲宅人靜悄。藍橋下水歸漕。選良宵鳳鸞交。飲香醪。樂陶_上。將崔相府洞房春把花燭照。

尾聲

天還許福分招。帶綰箇同心到老。辦炷明香每夜燒。

○端正好

金錢問卜

元好問

香塵暗。翠幃屏。花露冷。絞綃帳。悶厭厭。盡問蘭堂愁。
雲怨雨。風流況。都感在。眉尖上。

滾綉球

俏風流。窈窕娘。俊脫兒。淺淡粧。掃蛾眉。遠山新樣穿。
一套藕絲衣。雲錦仙裳。帶一付珠落索。玉項牌。翠氈。
解寶串香。打扮的一庄上。停當步。瑤堦環珮玎璫。溶。
溶月色。浸珠戶。扉上。花陰付粉牆。春色芬芳。

倘秀才

展玉腕。把春纖。合掌。恰便似白蓮蕊。初生在這藕上。

高捲珠簾拜月光。碧梧搖碎影。紅藥吐狂香。正紅稠
綠穰。

滾綉毬

啓綠窓。離了綉房博山爐。把香來拈上。辨着片志誠心
禱告穹蒼。低上的念了一會。深上的拜了四方。轉秋
波。又則怕外人偷望。則為咱正青春未配鸞凰。甚時
得遇乘鸞客。何日相逢付粉郎。審問箇行藏。

倘秀才

磨着定烏龍墨。向端溪硯傍。揜着管玉兔筆。在羅紋
紙上。恰便似破八卦桃花女計量。五行推造化。六甲

金瓶梅
正
乙戌
定興亡。沉吟了半晌。

呆骨朶

廝瑯上的把金錢擲下觀爻象。却怎生單上拆上陰陽。恰數着坤偶乾奇。擺列着天三地兩。用神有天喜臨主令的財官旺。便做道是李淳風不順情。那一箇索天罡肯調謊。

貨郎兒

一見了神魂飄蕩。不由我心勞意穰。我將這金錢仔細細推詳。恰離了湖山側。早來到會賓堂。

脫布衫

明滴溜月轉西廂錦模糊花暗東牆何處也花燭洞房那里也錦衾羅帳。

醉太平

打疊起麻衣百章周易歸藏。工夫想綉箇錦香囊。則在這香盒兒裏。供養。準備着梨花月底。双歌唱。杏花樓上同翫賞。并不去菱花鏡裏。巧梳粧。

貨郎兒

眠思夢想悲楚淒涼。并不去花月亭前燒夜香。

○端正好

秋夜梧桐雨。離別。

元白甫

自從俺幸西蜀還京兆。甚的是夜月花朝。半年来白。

髮添多少。怎打迭愁容貌。

么篇

病懨懨料被羣臣笑。玉叉將畫軸高挑。荔枝花菓香檀卓。我這里覷了傷懷抱。

滾绣球

險些兒氣冲倒。自誓約將太真妃放聲高叫。叫不應不由我雨泪豪陶。這待詔是手高畫的來無半星兒差錯。雖然是快染能描畫不就。沉香亭半回鸞舞。花萼樓前上馬嬌。一簇兒妖嬈。

倘秀才

長記的千秋節華清宮宴樂七夕曾在長生殿里乞巧拾便似連理枝頭比翼鳥誰想道乘彩鳳返丹霄一時間命夭。

呆骨朵

有心待蓋下座楊妃廟爭奈我幸西蜀車駕還朝則我這孤辰運難熬更打着離恨天最高在生時同衾枕不能勾死後也同棺槨誰承望馬嵬坡塵土中可惜也把一枝海棠花零落了。

倘秀才

這場雨一陣一都打的梧桐葉凋一點一都滴的人

心碎了。若不是金井銀窓緊。獲着。只好把潑枝葉做
柴燒。我將來鋸倒。

潑綉球

常想着長生殿那一宵。列笙歌奏九韶。不合將梧
桐樹。擊成腔調。戲言辭絮叨。沉香亭那一朝。按
霓裳舞六么。立蒼苔並肩斜靠。亂官娥鬧炒。都
則為當時歡笑。栽排下今日淒涼。厮執着仔細量
度。芙蓉花。

淡氤氳篆煙裊。昏慘。銀燈照看了。這夜漏遲靜。
悄。的初更報。我這里暗觀青霄。夢里他來到。常

言道口是心苗不住的頻_上叫。

伴讀書

一會家心內焦四壁相寒蛩_上關忽見掀簾不住西風
惡遜觀見滿地陰雲罩我這里披衣悶把帟屏靠最業眼
難交笑和尚

原來是滴溜_上遍開堦敗葉飄淅零_上細雨將紗窓
哨骨碌碌風閃的燈花爆厮瑯_上鳴殿角撲簌_上
墜林梢元來是捲珠箔晚風敲玳瑁鐵馬兒向簷
前鬧尾聲

順西風忙把紗窓哨送寒氣頻將綉戶敲料應來這

一宵雨和泪人怎消雨更多泪不少雨洒寒稍淚濕
龍袍不肯相饒更和那雕簷外梧桐下到曉

○端正好

閨情

元馬昂夫

小庭幽重門靜東風軟膏雨初晴猛听的賣花聲過
天街應驚却芙蓉興么
殘紅粧點青苔徑又一番春色飄零遊絲心絮柳花情
還侶郎無定

倘秀才

南浦道送春行多應是拋棄了歡娛迤迤逐利名千古
恨短長亭欲留戀難能四眸相顧兩心同信佳人薄

命

滾綉球

玳瑁的掂拆玉簪。撲簌的井墜銀瓶。分開鸞鏡生來
幾曾理會。害甚末相思病。怎捱這後。此後。冷清清的
光景。別酒慵斟。離歌倦听。俺車兒去也。他上馬登程。
向晚歸來。愁悶增。悶的人來孤另。

三錯尾

金盃空。冷落了尊前興。錦瑟絃生疎了。月下聲欲寄
音書空。織回紋錦字成。奈遠水遙山隔。萬層魚鴈也
難憑。

二錯尾

料憂愁一日。加了十葉。想茶飯上三停里減了二停。

白日由閑怕到黃昏。睡卧不寧。則我這淚點兒安排
下半枯井也。滴不到天明。

煞尾

團團黃篆焚金鼎。夜上濃薰。煖翠屏。偏今宵是怎
生。乍離別。不慣經。睡不安。卧不寧。分外春寒被兒冷。

○端正好

馬蹏揚妃雜劇

無名氏

傳將令馬休行。排隊伍。軍休閑。定唐朝。只在今朝。將
一箇太真妃。馬上觀瞻了。端的是傾國傾城狼。

滾绣球

見娘。鳳頭鞋。將寶鑑挑。龍袍袖。金鞭裊。玉纖手。忙。

將那紫絲韁緊拏。諕的他戰欽。把不住鞍轡也無。
那左右隨前後。透那里有錦衣花帽。馬行疾諕的他。
魄散魂消。這的是軍行西蜀。連雲棧使不的你。僕落。
俺君王上馬。嬌一簇兒妖嬈。

倘秀才

六宮中冥亡悄亡。四海外荒亡鬧亡。您一日乱俺十。
年不定交。俺倚着垓心戰。恁倚扶着翠盤嬌。您排宴。
俺這里戰討。

滾绣球

您那里銀箏間玉簫。俺這里長鎗對短刀。您那里列。

官人俺這里密排着軍校。您那里笙歌響。俺這里戰
鼓齊敲。俺臨陣不死傷。您登延不醉飽。且休說俸錢
多少。俺這里戰軍回。您那里宴罷臣僚。您那里醉醺
醺酒滷。濕宰相春羅袖。俺這里血淋漓。濕浸透將軍
那一領錦戰袍。蓋因是天數難逃。

倘秀才

三月三九龍池開草。七月七您在那長生殿上乞巧。唐
天子親擊梧桐按六么。這的是國正天心順。使不着
家富小兒嬌。從今後罷却。

呆骨朵

太真妃養着箇家生。則為你在翠盤中舞起兵刀。
現如今臣背了君心。我則怕鴉奪了鳳巢。微臣可也
上不着交煙閣娘。也立不起楊妃廟。微臣今日進孝
來能進忠娘。你可甚末養小來防備老。

貨郎兒

也不索去君王行請詔。也不索問娘上行取招。我則
見鉄統軍圍了一週遭。一箇按不住心頭怕。一箇泪
撲簌臉兒上拋。

脫布衫

高力士絮_上叨_上陳玄禮敬_上焦_上太真妃煩_上惱

惱唐明皇穰_レ勞_レ。

醉太平

則听的鑼_レ鼓敲骨刺_レ。雜彩綉旗搖。那里有江梅
丰韻海棠嬌。把娘_レ軟兀刺的誆倒。見娘_レ聖主行
忙哀告。見陛下磨拳擦掌心焦惶。我則見握霧行雲
那馬兒越咆哮。

貨郎兒尾

君騎羸馬連雲棧。可惜將一箇嬌滴_レ楊妃今日馬
踐了。

○端正好

題情

皇明孝章

醉墨寫烏絲。寶串焚金獸。畫堂深簾控金鈎。滿_上紅
雨迷晴晝。冉_上香風透。

滾綉球

柳絲垂翠帶。愁花過雨。玉貌羞。幾般兒。感人憔悴空
交人對景添愁。燕和鶯相趁。逐蜂共蝶。厮配偶。怎當
那戲清波。錦_上死前後。倚雕闌。終日凝眸。他那里春風
馬上扶殘醉。都做了落日。蟬聲送客愁。霎時間。耽憂
倘秀才

常則是泪搵湿青衫袖口。愁變做虛勞症候。抵多少
野草閑花滿地愁。人何在水空流。無言低首。

滾绣球

他說的不應口。我害的忒恁陡。半年来水泄不漏常。
則是立斜陽。目斷粧樓青鸞信不來。紅葉詩怎耐。
這粧事不能成就。送的人潘鬢成秋。我將這想憶傳字都。
來透斷腸集篇。上講論熟。記都在心頭。

叨叨令

想着他月明人約黃昏後。想着他春生錦帳裏來時。
候烏雲亂擁金釵溜。香細吐眉兒皺。兀的不想殺。
了人也。壽想殺了人麼。哥想着他燈前鞋底尖兒瘦。

脫布衫 小梁州

想着^{玉他}生香一捻溫柔花解語萬種風流舞東風腰
如嫩柳歌夜月鳳吟青畫俺也曾閑並香肩月下遊
那其間兩意綢繆想着他臨行甜話兒厮逗留我這
里寧心兒候到如今勝三秋。

么

礮可^上曾說下神前咒止^囉永團圓相守到白頭應吞
的意似痴發賺的機關透到如今撇人在腦後再誰
信你那巧舌頭。

上小樓

又不曾停眠整宿到引的人無昏無晝常則是侶醉

如痴。不明不暗。無了無休。兩處憂。一樣愁。憑誰醫救。我甘心兒為他消瘦。公篇

搵絞綃淚。暗流。這離情。何日休。一會家。穠_上勞_上。繞在心頭。又上眉頭。夢里憂醒後。愁。忘了還。都則為那美甘_上。那兒情厚。

滿庭芳

拍望待天長地久。星前月下。燕侶鶯儔。美姻緣。甜受用。無昏晝。無了無休。誰承望。美容顏。如長病酒。青衫淚鎖。日悲秋。再會面。何時又。不堪回首。風雨替花愁。

耍孩兒

你可便既無情。休把人拖逗。早共晚交人等候。月明
纔上柳梢頭。幾番家來又還休。想我也彩雲聲斷。
鸞簫夜。盼殺我也青鳥書來。隴樹秋空。把眉兒皺。則
為這巫雲楚雨。番成做綠慘紅愁。

又

恰梨花暮雨收。早芙蓉野水流。恰清明又早重陽後。昨
宵錦帳春如海。明日黃花蝶也愁。想世事如番手。青
春有限。愁悶無休。

一煞

把花箋用意修。想韓香甚日偷。黑模糊雲暗了巫山

正
半生恩愛三生夢。一種情懷萬種愁。難禁受怕的
是燈昏酒冷。愁的是雨散雲收。

尾聲

留戀着竊玉心。包藏着折桂手。好姻緣早晚能成就。言
過的誓。海山盟。應不的。

○金殿喜重重

殘春

無名氏

新綠池邊猛拍欄杆。心事仗誰論。花也無言。蝶也無
言。離恨滿懷。縈牽恨東君不解。留去客。嘆舞紅飄粉。
飛綿景。依然事。依然悄然不見郎面。

賽鴻秋

俺相別時節正逢着春海棠花初綻蕊也則是微分
間現霎時間榴花噴紅蓮放沉冰菓避暑 搖紈扇
逡巡間菊花黃金風起敗葉飄梧桐變不覺的臘梅
開冰花墜暖閣內將香醪旋四季景偏多思想心中
戀不知俺那俏冤家冷清上獨自箇悶懨懨何處擔
着寂怨。

金殿喜重重

嗟怨自古風流悞少年那堪值暮春天生怕到黃昏
愁怕到黃昏獨自箇悶不成歡換寶香薰被誰共宿
嘆夜長枕冷衾寒你孤眠我孤眠但只是魂夢裏相

見

貨郎兒

有一日稱了俺平生心願。成合了夫妻謝天。今生一對兒好姻緣。冷清上擔着寂寞。愁冗上受着熬煎。

醉太平

都則為多情的這業冤。今日箇恨惹起情牽。想當日
設山盟言海誓。在星前。擔閣了風流的這少年。有一
日朝雲暮雨成姻眷。畫堂歌舞排歡宴。有一日羅幃
錦帳裏。永團圓。花燭洞房成連理。休忘了受過的這
淒涼有萬千。

賺

行李都辦早登程去心如箭休苦留戀漸覺江天紅
日晚欲臨行孜孜覷着心兒里暗約交人怎不埋怨
黯然分散恁時兩處消魂悶縈方寸。

怕春歸

南

此詞韻與前不同恐非此套內

是我心兒悶那更萬綠枝頭聲聲叫杜鵑啼不如歸
聽不如歸交人悶轉添霎時間相聚又怎知明日天
涯孤館。

怕春歸

南

羞見對柳眉玩柳眼千萬縷添縈絆自從別後休將
人攀向晚回深沉院落料為你停鍼頻作念待會時

怕水遠山遠人遠。唱徹陽關。滿斟別酒。醉懶。面得不
知離別歎。

尾聲

暫別登程。休留戀。不堪。處。度日如年。好似和鉤吞却線。

○端正好

唐明皇幸蜀

元王伯成

正團圓成孤另。陳元帥隨坐隨行。他那里是幸西蜀
特保駕親將領。則是怕走失監收定。

公篇

雖離了戰場。却貶入恹惶境。坡崗峻馬足難停。當
則是短兜玉勒挑金蹬。緊緊的把雕鞍凭。

滾绣毬

連雲棧翠靄生。劍門關冷氣增。那吐虹霓太陽掩映。
亂雲重溝澗層層地不平。人怎行。窄峽峽玉龕石。
蹬則不路人愁鳥也倦飛騰。至輕去國三千里。恰是
傷心第一程。膽戰心驚。

倘秀才

冲落葉穿窬過頂。趲衰草登山驀嶺。却甚綠暗紅稀。
出鳳城龍虎將。御林兵。好無些兒面情。

滾綉毬

常想着長生殿裡慶七夕。碧梧桐下過二更正。深沉
夜闌人靜。各私言海誓山盟。學連理枝比翼鳥對牽。

牛郎織女星。說真情。指天為證。誰想你落塹拖坑。我
棄了三千粉黛。孤身過你。向那十二瑤臺。獨自行。有
影無形。

倘秀才

我可甚納諫如流。聖明恁可甚。瑣樹攀欄。諫諍都則
會硬廝併。軋廝撐。壯廝挺。越哀告。越施呈。他那氣性
伴讀書。

磨滅盡風流。與增置出相思證。六耳不聞穿聯定。一
言既出。須交應。今豪誰敢違軍令。則索喏喏磨連聲。
貨郎兒

又不敢和他致爭。半路里把平人要施行。不過愛梨園
內樂聲。不過戀金屋銀屏。不過舞腰纖細掌中擎。那些
兒是罪名。

黃鍾尾聲

眼見的人離西閣。秋天靜。月照林房夜不扃。心難安。
意不寧。愁如珠。淚似傾。惡風光。閑馳騁。鴉閃殘陽。皆
日明。鴈列西風行不成。鳴噎蟬聲分外清。啾唧蛩吟
刀厥鳴。怪石在崑卧虎形。老樹槎牙倒龍影。古栢蒼
松細古藤。夾道黃化開短徑。一弄兒淒涼。厮刁蹬。越
交人鑽心入髓疼。想俺國敗家亡。無權柄。不毒似這
仗勢欺人的暮秋景。

○端正好

高隱

元馬九皋散套

訪知音習酬和。也不問名利如何。不貪不愛隨緣過。
把世事都叅破。

滾綉毬

歎光陰疾似梭。想人生能幾何。轉回頭百年已過急。
回首兩鬢斑皤。光陰轉眼那。日光彈指過。送了此千
崢嶸。且貪果貨。有兩句古語。您自評跋。相隨故友年
年少。郊外新墳。歲歲多一枕南柯。

倘秀才

日落西山。啣着烈火。雲托着玉鉢。伴這般東去西

果怎奈何。金烏疾如箭。玉兔促攏撥。自心中定奪。

滾綉球

則不如種山田一二畝。栽桑麻數百科。驅家人使牛
耕播。住幾間無憂愁草苫莊坡。一朝苗稼鋤。趁時將
黍豈割。養蚕桑葉忙。剝着山妻上布織梭。禿廝姑緊
緊的將綿花紡。村伴姐慌將麻線搓。一弄兒農器家
活。

倘秀才

閑時節疎林外磁甌瓦鉢。盛摘下些生桃硬菓。晚趁
斜陽景物多。听水聲流浪遠觀山色嶺嵯峨。與俺那
庄農每會合。

賽紅秋

我若是醉時節笑引着兒孫和醉時節麥場上閑獨
蹓醉時節六軸上喬衙坐醉時節巴棚下和衣兒卧
酒醒覺來時直睡到參兒到不听的五更鍾入馬街
前過耍孩兒

收成黍苳盈倉塹。經年不缺半合。收耕罷織足衣食。
將柴門緊上。扇合。早辰間苳粥吃三碗。到晚來薑湯
做一鍋。煖炕上和衣卧。守着俺山妻稚子。喂養牝牛
畜馬騾。

四煞

到春來綠依依。柳吐烟。紅馥馥。飛噴火。粉蝶兒來往。
穿花過。黃鶯出谷尋新柳。紫燕歸巢覓舊窩。時雨
降天公。賀慶新春。齊敲社鼓。賽牛王。共擊銅鑼。

三煞

到夏來。說池塘十里長。賞荷花。百步闊。青鋪翠蓋穿。
紅破。雖無那彩船。盡舫遊池沼。也有那短棹。漁舟泛
淺波。故友來相賀。遠溪邊。鮮魚旋買。沿村務沽酒。頻
濁。

二煞

到秋來。碧天鴈幾行。黃花兒開數朵。滿川紅葉。似
脂抹。青山隱隱連巔嶺。綠水潺潺泛淺波。鮮藕蓮

根剉團臍蟹味欺着錦鯉嫩黃雞勝侶肥鷄。

一煞

到冬來朔風使地刮彤雲密布合紛紛雪片錢來大。
須臾雲漢飄白蕊咫尺空中舞玉蛾冬景堪酹和草
菴前寒梅雪壓短窓邊瘦影頻磨。

尾聲

四時景物佳拔形骸堪正可。我比你省憂愁少煩惱。
無災禍到大來無事無非快活救我。

○端正好

風雲會雜劇

無名氏

水晶宮絞綃帳光射水晶宮冷透絞綃帳夜深沉睡

不穩龍床離金門。私出天階上。正風雪空中降。

滾綉毬

似紛紛蝶翅飛。如漫漫柳絮狂。舞冰花旋風兒飄蕩。
踐瓊瑤脚步兒匆忙。將白襪兩袖遮。把烏紗小帽盪。
猛回頭。則將鳳樓凝望。全不見碧琉璃瓦甃鴛鴦。
一霎兒九重宮闕如銀砌。半合兒萬里乾坤似玉粧。恰
便似粉甸滿封疆。

倘秀才

我則見鐵桶般重門閉上。我將這銅獸面雙環扣響。
敲門的我是那萬歲山前趙大郎。堂中無客伴。燈下

看文章。特來聽講。

合戊甲

正

丙戌

呆骨朵

衝寒風冒凍雪來相望。有些箇機密事。謹待要商量。
忙則麼。事公人。免禮咱。招賢宰相。這的調鼎鼎三公。
府那里也剔頭髮。唐三藏我向這坐席間聽講書。你
休來我耳邊廂叫點湯。

倘秀才

朕不學漢高皇。身居未央。朕不學唐天子。傳眠在晉
陽。常則是翠被寒生。金鳳凰有心思。傳說無夢到
高唐。這的是為君的允當。

滾绣毬

雖然與四海為一人。必索要正三綱。謹五常。朕幼年間。廣習鎗棒。恨則恨未曾到孔子門牆。尚書是幾篇。毛詩共幾章。講禮記。始知謙讓。論春秋。可鑑興亡。朕待學禹湯文武宗堯舜。卿可及房杜蕭曹。立漢唐。則要您變理陰陽。

倘秀才

卿道是用論語治朝廷有方。却原來這半部運山河在掌。聖道如天不可量。談經臨絳帳。索強如開宴出紅粧。聽說罷神清氣爽。

滾绣毬

銀臺上華燭明。金爐內寶篆香。不當煩教老兄自斟。
佳釀。又何須着嫂嫂親奉霞觴。卿道是糟糠妻不下
堂。朕須想貧賤交不可忘。常言道表壯呵不如裏壯。
妻若賢夫免灾殃。朕如太甲逢伊尹。卿得嫂嫂呵恰
似梁鴻配孟光。則願您福壽綿長。

倘秀才

但歇息呵論前王後王。恰合眼慮興邦喪邦。因此上曉
夜無眠想萬方。雖不是歡娛嫌夜短。早難道寂寞恨
更長。憂愁事幾庄。

滾綉毬

憂則憂當站的身無掛體衣。憂則憂家無隔宿糧。憂則憂甘貧的晝眠深巷。憂則憂讀書的夜寐寒窓。憂則憂嚶寒妻怨夫。憂則憂啼賤子喚娘。憂則憂行船的一江風浪。憂則憂駕車的恁時分萬里行商。憂則憂的是布衣賢士無活計。憂則憂鐵甲將軍守戰場。題起來感嘆悲傷。

倘秀才

憂的是百姓苦向御榻心勞意穰。害的是不小可教寡人眠思夢想。太原府劉崇拒北方。我只得暫離

丹鳳闕親擁碧油幢先取那河東的上黨。

滾綉毬

卿道是錢王共李王劉鋹與孟昶他每都無仁政着
萬民失望行霸道百姓遭殃差何人鎮守西命誰
人定兩廣取吳越必須名將下江南宜用忠良要定
奪展江山白玉擎天柱索用您拯宇宙黃金駕海梁
仔細恭詳。

脫布衫

取金陵飛渡長江到錢唐平定他鄉西川路休辭撻
惡南蠻地莫愁煙瘴。

醉太平

陣衝關虎狼身。胃着風霜。用六韜三畧定邊疆。把元戎印掌。則要恁人披鐵甲添雄壯。馬搖玉勒難遮當。鞭敲金鐙響。玳瑁早班師汴梁。

一煞

有那等順天心。達天理。去邪歸正。皆踈放。有那等霸王業。抗王師。躍武揚威。盡滅亡。休虜掠民財。休傷殘民命。休淫污民妻。休燒毀民房。恤軍馬施仁法。正廣錢糧定賞刑。罰保城池。討逆招降。沿路上安民掛榜。從賑濟任開倉。

煞尾

朕專待正衣冠尊相貌就凌煙圖畫你那功臣像卿
莫負立金石銘鍾鼎向清史標題姓字香能用兵善
為將有心機有膽量仰眺天文筭星象俯察山川變
形狀決戰先將九地量畫戰須將旗幟張夜戰須將大
鼓揚步戰屯雲獲軍帳水戰隨風擺帆槳奇正相生兵
最強仁智兼行勇怎當專聽將軍定這廂坐擬元戎
取那廂飛奏邊庭進表章齊和昇平回帝鄉比及
你列土分茅拜卿相先將您各部下軍卒重重的賞
端正好

聖天子統羊夷際龍虎風雲會有賢臣宰輔扶持八方
寧靜干戈息勝舜代過堯世。

滾綉毯

保山河壯帝基撫寬仁四海歸順天心應垂祥瑞千
邦順萬國來儀省刑法薄稅歛賞三軍一足食盡歌
謠豐年稔歲戶不扃路不拾遺風調雨順民安樂家
給人足享富貴生意無虧。

倘秀才

文官每坐都堂知法度清廉正直武將每掌兵權施
號令赤心報國因此上海宇清寧日月輝見如今風

光盛樂雍熙保安社稷。

添綉毬

羨金臺八景奇。看蘆溝曉月輝。高聳聳居庸疊翠。前
門過烟雨霏霏。看西山霽雪晴翫。秋風太液池照金
臺。紅輪斜墜玉泉山倒掛虹蜺。萬歲山祥雲靄靄。龍
瓊島五鳳樓。日色曈曈照紫微。堪畫堪題。

塞鴻秋

太平年無士馬昇平世感。皇恩受宣勅家豪貴。
公卿拜舞在丹墀內。挿宮花飲御酒排筵會。笙歌
奏管絃。社鼓襲襲擗瓊林。宴罷醺醺醉。

脫布衫

擺頭咎兩行朱衣。跨雕鞍駿馬頻嘶。將照道紗籠。
挑起笑吟吟玉鞭催騎。

小梁州

坐下嬌娃翠遠園。步步相隨。畫堂銀燭照庭輝。安眠
睡。福祿壽年齊。

么

子孫世襲登八位。軌踪兒不離了。朝基一班兒宰
相。每畫都是英雄輩。上凌煙閣內入青史盡標題。

○端正好

流紅葉離劇

喬仁甫

我恰纔秋香亭上正歡濃。望着他這上林苑。迤席走。

趁西風獨步閑遊。想一年世事如翻手。撚指間重陽又
滾繡球。

淅零零暮雨收。冷清清禁苑幽悶。懨懨去年時候不
覺的透羅衣。風力颭颭風吹散面上酒。戲折的砌畔
菊。我則將嫩香來重嗅。果然道佳節難酌。今朝綠蟻
人先醉。我則怕明日黃花蝶也愁。信步閑遊。

倘秀才

一弄兒殘荷敗柳。這塌兒是俺那去年前感恨題詩
御溝。低首沉吟。喟然又撲簌簌。泪交流。恰便似珍
珠脫了線頭。

這翠竹稍頭少箇釣鈎引的這水勢兒向東流我則
見衝開錦鱗驚飛綠鴨蕩散白鷗見題紅泛泛隨風
颭颭順水悠悠。

古鮑老

我這里探身在岸口將紅丟丟葉兒掉在手就着這
向陽日頭濕浸浸水痕羅帕收渾一偈血染般胭脂
透是誰將巧計搜全不怕官司窮究他將那兩句兒
詩聯就。

柳青娘

誰曾道是趁逐天賜這場厮迤逗看了這詩中意按

必定是箇俊儒流。裁冰剪雪，忒慣熟。若得來雙雙配。
偶盡今生共結綢繆。則這去年前紅葉上，紅葉上把詩修。
道合

恰向今秋。恰向今秋。今秋園苑却閑遊。恰相投道。
着俺着俺。自憐憊。憊的憊的空遙受。同觀的池上景。
清幽。細靨眸。自索守。使咱家空迤逗。道那些那些合。
成就。天生落在咱家勾。那些那些合成就。若還見的。
遲疾後。若不咱收風力。颼颼。颼着龍溝。險些兒厭厭厭。
逐水厭。逐水向向向東流。

耍孩兒

叨叨令

怕兒湮泪搵濕衫兒袖冰的我這襪兒涼浸的我鞋
兒透逗的我意兒新感起我情兒舊哭的我心兒酸
引的我眉兒皺玉英咎兩箇去來也波哥照的我影
兒孤越顯的鴉兒瘦。

白鶴子

我從那去年前親發送今歲也尚停留我分明送過
這玳瑁石壓欄前到閃在金漆木排柵後。

又

經年離了也沼我則道紅葉爛在汀洲可怎生顏色兒

儼然新墨跡兒無狀舊

紅繡鞋

緊蹠定玻璃外。天生下駝腰柳不纔龍舟。恰便似
玉女觀泉弄溫柔。將身子斜探定。用一隻手將柳條
揪。一隻手搦着這顫鬼鬼新嫩竹。

快活三

莫不是有誰人題詩在上溜頭。怎肯道是我干休。好
教我厮候厮侍厮追究。我與你親把河崖叩。

鮑老兒

展玉腕厮瑯瑯向水面上。堦更怕甚濺濕泥金衫。則

往常我守椒房。抱寂寞。捱昏晝。今日箇。又添上。關心
症。候。趁西風。飄。堆了樹梢頭。送與我。這一場。閑悶。閑
愁。見了些。翠裙。鳳翅。傷秋。扇。我聽了。些。絳幘。雞人報
曉。籌。年年池館。皆依舊。你看俺。這嬪妃。年老。幾時得
華落。歸秋。

三煞

題詩人長共短。有情人知他是好。共醜。不明不暗。因
他瘦。心兒中。想念何曾見。夢兒里。相逢不厮。就。這姻
緣。空。還受青鸞無信。紅葉難酬。

二煞

弄詩章相戲逐不良才。万事頭去年前將兩句相迤逗。暗歡喜空把他心中愛。虛煩惱胡遮臉上羞。扮着箇至誠心。將他候看承。做神珠玉顆。出入在鳳閣龍樓。一煞

做一箇符牌兒。挑在髻邊。做一箇面花兒。貼在額頭。做一箇香囊兒。盛了揣着肉。無情則許。無情受好處。將來好處收。今夜黃昏後。準備着洞房花燭。綉幙香裘。尾聲

穩坐着白象床。滿斟着碧玉甌。擁鮫綃。將紅葉兒懷中揷。喫幾盃新親慶喜酒。

○端正好

閨情

無名氏

夜將闌人初靜悶懨懨獨步閑行又無箇使數的把
咱相將領羅襪窄雙尖並。

滾繡球

這其間天色晴月正明並無那片雲遮映我將這香
盒兒手內高擎我這里燒好香稱着小名禱告了
四方神聖負心的少不的落壘投坑題起那小名兒
怎不着我心頭想好交我無語無言泪暗傾不由
人痛感傷情。

倘秀才

聞畫角悠悠的數聲聽更鼓鑿鑿的二更歸寢室連忙不暫停玎璫響玉鈎鳴我則索慢行。

滾繡球

又恐怕老母聽我則索躡足行。款款的將綉房門掩映怎禁那銀臺上燈焰熒熒懶將那針線拈。綉作增。我將這碎生活打併急收拾手。但撈菱黑油架上衣服搭紅漆粧盒釵釧盛斜倚定幃屏。

脫布衫

不由人雨泪盈盈月兒照房內窓櫺寶爐中焚燒篆餅風兒吹壁間圖幃。

小梁州

半擁鮫鮓。眼漸明。端的是好夢難成。垂床倒枕。不安
盜添愁興。良夜對銀燈。尋思半晌空候偉。想起來怎
不傷情。則願的成了配偶。婚姻定。哎你箇敲才薄幸。
武俊俏。武聰明。

○端正好

漁家

無名氏

釣艇小。苦寒波。簑笠軟遮風雨。打魚活計。消疎農家。鸚鵡
洲邊住。對江景真堪趣。

滾繡球

黃蘆岸。侶錦鋪。白蘋渡。如雪模。野鷗閑。自来自去。暮

雲開或轉或舒。日已無。月漸出。映蟾光滿。川修竹。助
風聲。兩岸黃蘆。收綸罷釣。尋歸路。酒美魚鮮。樂有餘。
此樂誰如。

倘秀才

睡時節。把扁舟來纜住。覺來也。又流在蘆花淺處。蕩
蕩悠悠。無所拘。市朝遠。故人疎。有樵夫做伴侶。

脫布衫

雨纔過。山色模糊。月初升。桂影扶疎。恰離了。聚野猿
白雲洞口。蚤來到。散清風。綠陰深處。

醉太平

相逢的伴侶。豈問箇賢愚。人間開口笑樵漁。會談今
論古。放懷講會詩中句。忘憂飲會盃中趣。清閑釣會
水中魚。俺兩箇心足來意足。

尾聲

樵夫別我山中去。我離樵夫水上居。來日相逢共一
處。旋取香醪旋打魚。散樵逍遙看古書。問甚末誰是
誰非。俺兩箇慢慢的數。

端正好

玉露滴起金風。雲霧冷秋天靜。見家家宴樂昇平。正
值着桑麻黍豆田。蚕盛將萬載江山慶。

滾繡球

禾稼收戶口增。歛差徭家道清。正遇着太平佳景。端
的是五穀豐登。冷清清景物寒。虛飄飄瑞氣生。真乃
是一時佳令。喜孜孜宴享龍庭。見如今萬邦聚會朝
金闕。四海歌謠日月明。扶持着一統乾坤。

倘秀才

見如今 聖主寬深居九重。文武每將江山自整。一
派簫韶嚮鳳城。蟾光清似水。明月照神京。是看這清
秋桂影。

呆骨朵

見如今萬邦和一統年豐盛。普天下農業收成。皆因是聖道光輝。更那堪仁慈孝誠。我則見玉闕瓊宮。旺更和這鳳閣龍樓。勝端的是賽蓬萊錦繡鄉。真乃是比瑤池景物清。

脫布衫

托賴着吾皇德四海和平。臣居位法治權衡。遑塞安九夷進禮。列琴堂六曹清政。

小梁州

見如今一統封疆四海寧。八表來廷。趁着這風光佳節。喜相迎。端的是皆歡慶。願萬載賀長生。么

有他這瑤池仙子齊排定。玉樓前鳳舞麟生。列玕簋玳瑁筵。排水陸佳餚淨。時逢着中秋節令。你看這鳳闕瑞雲生。

尾聲

休負了良辰節屆風光景。舜日堯年宇宙寧。翫賞蟾光桂影清。畫燭高燒燦色明。香爇金猊煖翠屏。一派笙歌音律聽。齊賀着萬載千秋樂仙境。

○端正好

憶別

元方

柳飛綿花飄瓣。一番春事闌珊。蜂迷蝶困鶯聲懶。感起我愁無限。

錦纏道

這其間即漸里

想遺

清瘦減潘顏。自別來如隔萬水

千山。非是他情疎意懶。多應我分淺緣慳。無奈被人

起。粧成科範。將咱好事攔。謾意思和愛恰似夢邯鄲。

賽鴻秋

赤緊的楚陽臺險峻似連雲棧。武陵溪間隔東洋岸。

他將那錦迴紋合歡帶皆揪綻。綉香囊同心結都拆

散。揉損並頭花。斫斷連枝榦。恨不的遶池塘摔碎了

鴛鴦彈。

普天樂

少欠下風流難捱不徹憂愁限傷心處鳳隻鸞單孤
眠時枕冷衾寒自那日私情犯料想嬌姿遭拘絆我
痛着迷不似今番愁眉淚眼恨別離最易相見應難
伴讀書帶笑和尚

停歇了泥金字隔斷了衡陽鴈將一段美愛幽歡常
凝眸為他時曉夜心無憚怎承望永人托夢成虛幻
似抵羊觸藩無人駕司馬車憑誰舉梁鴻案賈冲宅
頻迷看張京兆情緒奸沈東陽膽心寒兩眉攢寸心
拴將意馬鎖心猿按。

刮地風

降下一天愁。共煩到如今。怎辭難。良緣有分。非為晚。
事從人。只在閑。明月再圓。彩雲休散。辦心堅。管熬得。
海枯石爛。天若有意。天顧盼。終有箇。稱心間。

尾聲

才郎有日重相盼。破鏡重圓。真箇罕。把許下心香。夜
夜還。

○端正好

送別

無名氏散套

本是對美甘甘錦堂歡。生扭做悲切切陽關怨。恰離
了鶯花寨。早來到野水平川。急煎煎千里程途。踐景
瀟瀟。宜寫在幃屏面。

深綉毬

動鷓懷淅零零暮雨晴。惱人腸。日遲遲。春晝暄。感離情。嬌滴滴。弄喉舌。啼鶯語。燕舞飄飄。亂紛紛。柳絮飛綿。歎浮世草萋萋。際碧天。綠茸茸。柳吐烟。響潺潺。碧澄澄。皺玻璃。楚江如練。斷送了行人的。是行色。淒然。醉醺醺。昨宵歡會。知多少。冷清清。今日淒涼。有萬千。空着我無語無言。

倘秀才

莫不是黃司理緣薄分淺多。管是雙通救時乖運蹇。我可也再不向秦樓列管絃。彩鸞回鏡舞。青鳥罷啣。

箋元良他去的不遠。

叨叨令

不思量。心上由作念。越思量。越恁的添勞倦。意遲
欲把他留戀。再幾時。能勾成鶯燕。他原來去了也麼
歌。他原來去了也麼歌。可着我減香肌。腕鬆了黃金
釧。

脫布衫

不行動。則管里熬煎。休停待。莫得俄延。側着耳聽沉
了半晌。諕的我膽寒心戰。

醉太平

元來是昏鴉噪暮天。孤鴈落沙邊。猛聽的隔江人喚渡。

頭舡啼紅的是杜鵑撲簌簌淚濕殘粧面將風流秀
士難留戀生挖扎折下並頭蓮則為俺多情業冤

尾聲

三盃別酒肝腸斷一曲陽關離恨天我懶載車兒倦
向前他怕上雕鞍懶贈鞭彼各無言語淚連各辦心
堅石也穿兩處相思情意牽遙望見車兒漸漸去的
遠。